

Bragadeno contradicente, aliorumque Principum prius exploranda consilia, mentesque pernoscendas esse dictitante: atque, ut ære publico peditum trium millium stipendium Cardinali persolveretur, latum. Statimque Antonius Maria Vincentius, a Senatus secretis, qui decreta auxilia significaret, pecuniam ferret, atque apud eum moraretur, Mantuam missus. Cardinalis per litteras, perque Paulum Surdium, ac Jacobum Arci Principem Venetias missum, ingentes atque immortales gratias Senatui egit, quod eximia liberalitate se suosque posteros infueto atque immortalis beneficio devinxisset. Cosmus quoque, magnus Hetruriæ Dux, Mantuano, cui affinitate junctus erat (ex sorore enim Ferdinandi ejus patris ortus fuerat) quacumque ratione suffragari statuit, duorumque peditum millium Francisci fratris imperio, Francisci Montii ductu, subsidio mittere decrevit.

Veneti in ea belli suspitione oppida atque arces exactius communire, copias cum Italo tum externo milite augere statuunt. Ut tria peditum Italorum millia, Epirotæ mille, totidem Corsi conscriberentur, decretum. Asulæ Franciscus Molinus, qui nuper in Adriatico sinu classis præfecturam obtinuerat; Urceis novis Augustinus Michaelius, qui e Cretæ prætura redierat, præficiuntur; Marcus Bragadenus, Marci Antonii filius, Bergomum; Petrus Bondimerius Cremam præfecti mittuntur; Antonius Priolus, Eques ac Marcius Procurator, continentis cum summo imperio legatus renunciatur. Cardinalis interea ad Sabaudi impetum excipiendum se comparat; undique milites cogit; in Montisferrati ditioribus mille, totidem in Mantuanis pedites, quingentos loricatorum equites Reipublicæ ære conscribit; Vincentium fratrem Casali, quæ præcipua munitissimaque ejus regionis arx atque propugnaculum est, præficit. Per eos dies cum Henricus Nivernensis Dux, qui Gallia digressus, sororem, Virginii Ursini filio desponsatam, Florentiam deducebat, Amphipoli de iis, quæ in Subalpinis acciderant, cognovisset, remque ad se, quod Cardinali affinis, atque Gonzaga domo ortus esset, attinere ratus, quinquaginta ex Gallica nobilitate stipatus Casale ingreditur.

Interea, dum exortæ inter Carolum & Cardinalem contro-

1613

*Antonius
Maria Vincentius
Mantuam
a Senatu
mittitur.*

*Cosmus
Hetruriæ
Dux Man-
tuanis auxi-
lia mittit*

*Veneti præ-
fectos ad
urbium cu-
stodiam eli-
gunt.*

*Antonius
Priolus, le-
gatus cum
imp. in con-
tinenti.*

*Henricus
Nivernensis
Dux Ca-
sale ingreditur.*